

欽定剿平三省邪匪方略

欽定剿平三省邪匪方略正編卷一百一

巳未年

五月十二日

巳

勒保奏言查卜三聘一股在金

竹園踞險抗拒經額勒登保於十三十六等日

兩次督兵攻擊雖有斬獲因山險未能竟上正

在躡路進攻忽據探報後路江口糧站被張子

聰一股賊匪由風竹塘衝出搶失米石殺傷夫

役欲圖斷絕糧道額勒登保卽親帶官兵馳往

截擊適阿哈保楊遇春帶兵追至兩面夾攻斃
賊二百餘名生擒秦義等三十七名餘匪向謝
家壩一路翻山竄去而卜三聘一股因見額勒
登保回剿江口之賊卽連夜由黃土坡百草壩
竄入大寧老林又欲引官兵進去施其牽綴伎
倆額勒登保因後路既有張子聰阻我糧運亟
須迅速殲除遂一面飛飭七十五就近帶領兵

勇堵剿卜三聘一股不使東竄一面卽督率阿
哈保等由謝家壩進發二十一日抵三匯口拏
獲賊匪張斌等訊悉張子聰在大旺山與徐添
德樊人傑龔建等商量欲分竄川陝交界老山
林內潛匿使官兵無從尋捕維時德楞泰一路
官兵已將徐添德一股追過南壩場額勒登保
卽由木箐一帶進抵楊柳關探聽張子聰在土

黃壩等處屯聚二十四日午刻至黃金坪趕上賊蹤遂派阿哈保豐紳等分兵兩翼三路進攻該匪等一見官兵亡命奔竄沿途追殺二十餘里斃賊一百餘名生擒蕭得信等二十三名二十六日追至崖山塢知賊在通江所屬竹峪關北距陝境不遠額勒登保恐追躡太急必至竄入陝疆且通江洪口一路又有自西鄉折竄之

王登廷等在彼游奕距崖山塢甚近設被其截
我後路未免腹背受敵現在偵探賊蹤擬卽就
近先剿洪口之賊至德楞泰一路於十二日自
譚家壩進發十五日在三教寺地方趕上樊人
傑一股殲賊七十餘名生擒周登雲等十二名
知徐添德龔建均屯大旺山及趕抵該處匪衆
又分股散竄我軍卽由燈草壩南壩場一路追

剿二十三日，至樊噲店，適徐添德後隊賊匪數百人在彼造飯，德榜泰卽催兵掩殺該匪，猝不及防，殲斃一百餘名，生擒騎馬賊目蔣尙銘並牙手郭廷奇等二十六名，投出難民徐仁等八十五名。訊知徐添德與樊人傑、龔建在舊縣壩前後竄入干江河，仍欲折回渡口場，因徐添德不肯赴陝，在馬家嶺爭鬧，令樊人傑往找龍紹

周合夥徐添德龔建仍欲在太平大寧交界箐
林內躲避德楞泰卽由太平裹帶數日口糧由
官渡溪倍道抄出賊前截其竄陝之路至包正
洪自與高姓郝姓之賊合夥後由消水灣竄逸
經總兵朱射斗帶兵趕殺十七日趕至甘玉坪
正值賊匪在彼圍攻民寨該鎮卽督率兵勇奮
力上撲斃賊一百餘名生擒鄧文學等十四名

餘匪奔潰朱射斗復帶兵追壓詎樹林內突出
數賊持矛直撲該鎮左腿受傷幸不甚重尙可
乘騎帶兵當經兵勇將此數賊擒獲臠割額勒
登保因聞該鎮受傷前經臣派令七十五會同

朱射斗協剿又因堵截卜三聘一路緊要未能
前來恐該鎮兵力單薄卽就近撥出副將王清
弼帶領兵丁二千餘名馳往剿辦二十二日追

至梁山之魏家寨地方適署知縣方積率領鄉
勇堵截前來兩面夾擊又斃賊一百餘名生擒
夏之榮等十六名投出難民李文煥等七十五
名口現向墊江隣水境內追躡前進此連日川
省各路軍營之打仗情形也臣查竹峪關渡口
場等處均距陝省西鄉紫陽交界不遠現已飛
飭王文雄慶溥柯藩等策勵兵勇認真防堵並

知會額勒登保德楞泰務須設法將賊匪截回
川省相機痛剿現在陝西之賊張漢潮在棧道
之東張映祥在棧道之西四川省需餉甚亟設被
梗塞關係非輕臣又飛咨明亮恒瑞永保務當
趕緊剿辦毋使闖入棧道且督臣松筠行走迅
速刻下已由川赴陝與明亮等會商籌剿自更
有濟再張添倫一股賊匪前據探報由平利竄

入竹谿當經臣飛咨倭什布督飭將備實力堵

剿嗣據探報叅將董寧川等獲有勝仗現又折

回陝省白河境內臣因楚賊屢欲竄回本境防

堵更須嚴密倭什布一路兵力稍單查前次廣

西更換兵丁四百九十六名先經臣遵

旨停調近據高杞咨會此項兵丁先後入楚距川已

近未便拘泥停止令其遵道轉回是以仍令來

川臣思此項兵丁既經高杞令其赴川則距粵

西更遠刻下楚省正當堵剿需兵之際自應就

近派合馳赴倭什布軍營以資得力至此大打

仗額勒登保一路副將佟世徵受傷陣亡其餘

各路弁兵亦間有傷亡者容俟查明咨部再查

與漢鎮總兵艾如文因剿辦林亮功股匪致

令乘間竄逃經臣奏明撥去花翎在前敵打仗

甚知奮勉上年七月間在安樂坪奪卡石傷左
手腕該鎮帶傷料理營卡不肯稍懈嗣因傷發
較重臣卽令其在開縣調養近來傷雖平復已

成殘廢情殊可憫又建昌鎮總兵劉君輔素有
肝疾時發時愈自三月以來疾發不止兩足浮

腫額勒登保令其在萬縣調養經臣委員驗視

屬實斷難速痊再陝西定邊副將白守忠年近

七旬近頗衰邁難以帶兵可否仰懇

天恩將艾如文

賞還花翎令其原品休致在家食俸劉君輔白守忠

二員卽令回籍以原品休致再臣更有請者行

軍日久將弁未免稍疲如有貽誤重大軍情及

退縮不前等事自當隨時按律嚴辦其中有先

行出力追蒙

賞翎陞擢之後旋又心存自滿漸形怠惰者軍律本重該員等既無貽誤退縮實蹟若遽概行叅劾似覺過嚴但稍事姑容恐日久愈形疲玩臣自

接辦軍務以來凡副將以下各官遇有始勤終怠之人或捆打枷號或摘去翎頂或降等給予頂戴嗣因其改悔立功仍卽給還翎頂臣俱未

經奏明嗣後如有此等怠惰之員仍照此辦理

統俟事竣後核其功過彙摺奏

聞非擅敢自專實因師行緊急不得不權宜懲創現
在都司馬驥朱集才二員均因不知奮勉經

臣

摘去翎頂令其立功自贖庶各將弁咸知懲勸
可期始終出力更於軍務有裨

勒保又奏言竊

臣奉

旨將軍機大臣議奏藩司馬慧裕條奏軍營安撫事

宜並松筠所奏剴撫善後等事發交閱看臣查
撫恤被脅難民前奉

恩旨行之實有成效嗣臣復與知州劉清等反覆籌

議已將奏定章程通飭陝甘楚豫等省一律遵
行並刊刻簡明條款遍行曉諭俾共見共聞咸
無疑懼在愚民無知辦理祇期簡要若立法過
峻防弊太嚴未免轉多窒礙馬慧裕所奏各款

其中本多難行現經軍機大臣等議准議駁實屬至當與臣現行章程亦俱符合均可毋庸增

減至松筠所奏事竣之日鄉勇當善遣歸農餘黨則概行免死所見者大應俟將來歸入善後事宜內參酌而行再川省目前所亟應籌辦者惟賑卹爲最重川東川北被賊各州縣不下三十餘處雖經飭令地方官將並未從賊之被難

民人隨時撫恤總因人數過多餉項不能寬餘
未得普行散賑現在新餉將到臣卽於二百五

十萬兩內撥出五十萬兩先爲賑濟之用若查

明戶口房屋照例給發實屬不敷臣已分派素

有清名之府廳州縣分段查辦將實在極貧無

業者先行酌給兩月口糧俾青黃不接之時得

資餬口不至流而爲匪餘俟續請餉銀到時再

行照例辦理奏入

上命軍機大臣傳諭勒保曰前次勒保奏川省各股賊匪俱已驅歸一處在開縣東鄉邊境竄聚機會甚好正可聚而殲旃且旣稱軍務漸覺得手應換京兵毋庸派往所言似有把握稍慰厯懷方冀各路官兵併力圍剿成功在卽乃本日奏到情形徐添德龔建樊人傑包正洪張子聰等股賊匪又經

官兵剿散紛紛四竄額勒登保德楞泰等復分投
追剿兵力見單看來尙未能尅期蕝事勒保不趁
賊匪聚集之時爲一鼓殲擒之計又致稽延月日
咎實難辭著傳旨申飭所有此次打仗陣亡之副
將佟世徵著咨部賜卹此時賊匪旣經分竄官兵
又不得不分而分則見單廣西兵丁已據勒保奏
明留交楚省防堵其抽換之貴州兵丁計近日已

可到川若尙不敷分派剿賊之用勒保自當酌量情形再行添調新兵以資得力不可因前有停兵之語迺前奏遂不敢再行請調致悞事機况勒保係經畧大臣非守土之官可比亦不可因聞知吳熊光率請調兵經朕嚴飭致存觀望之見吳熊光係豫省巡撫原不應越俎代謀擅行檄調而勒保膺國外節制之任與吳熊光分位迥不相同倘

須添兵不妨一面咨調一面奏聞以期迅速應用
從前朕以川省城匪指日就平可以移勝兵至陝
甘一帶會剿三張逆今川匪分股奔竄軍情又與
前異若邇日陝甘各路官兵能於三張逆內殲滅
一股即可移一路之兵赴川協剿惟在勒保就近
察探情形相機調派也又據奏現在新餉將到請
於餉銀二百五十萬兩撥出五十萬兩爲賑濟之用

一節川東川北難民甚多自應隨時撫卹並著勒保酌量妥辦毋使失所

上又命軍機大臣傳諭倭什布高杞曰勒保奏現在川匪分股奔竄已行咨楚省相機堵剿並將停調之粵西兵丁就近派赴倭什布軍營等語張添倫一股賊匪前由平利竄入竹谿經倭什布帶兵截剿折回陝境今川東賊匪因追剿緊急四處奔逃

或恐闖入楚省尤應嚴密防堵現在粵西兵四百餘名已留楚省倭什布高杞務須督率地方文武策勵兵勇於邊疆各卡隘實力防堵毋任竄匪闖入爲要

上又命軍機大臣傳諭松筠永保曰勒保奏徐添德樊人傑等股賊匪分竄竹峪關渡口塲該處與陝省西鄉紫陽交界相距不遠或恐該匪等竄入與

三張逆合夥辦理更形費手不可不嚴密防堵現
在勒保已飭王文雄慶溥柯藩等認真堵截松筠
已抵漢中永保現在鳳縣寶雞一帶著該督撫務
須督率兵勇於邊界各要隘處所嚴密防堵毋任
川省竄匪闖入

同日福寧奏言連日據東鄉太平等縣稟稱張
子聰樊人傑等逆現由太平以西趙塘壩竄至

通江竹峪關額勒登保督師緊追躡剿行走迅
速其徐添德一股亦向太平北面大竹河奔逸
德楞泰帶兵由該縣官渡溪一帶進發

臣

前因

太平地方遼濶山險路窄且北連陝境西接通
巴當經飭令總理同知淡士灝暨該縣鍾蟠雲
等於師行必經處所擇其險要寨砦預將糧石
分運存貯以備不時之需茲據報該縣五龍寨

固軍壩城口等處備貯軍米俱已就近隨地支
放惟運糧人夫雇覓維艱兼之站長道遠往返
供送需夫更多茲復自達州雇夫雇騾分起押
送東鄉太平幫同趕運務期不分遠近直運軍
營交收並一面飛檄通江巴州一遇官兵入境
速將糧石一體探路運供用資兵食至包正洪
等股匪現在大竹之周家場鑪鍋壩一帶分股

竄擾總兵朱射斗原帶兵勇四千餘名逐日跟
追額勒登保復分撥官兵前赴協剿所有運送
該營軍糧據大竹縣報稱途次輾轉被阻臣仍
飭該縣務須繞道運送並令附近墊江隣水等
縣不分畛域協力供支毋稍缺悞邇來各股賊
匪窮蹙散竄每與官兵前後錯綜轉輸一切猝
難趨避以致太平運至中途糧石又有搶失雲

陽縣江口糧站亦遭賊擾並傷斃夫役三十餘
名查各州縣節次所失糧石俱經奏明著落承
辦之員賠補今太平雲陽事同一例卽嚴飭各
該縣查明被失糧數上緊補解免致無著其傷
斃夫役事竣辦理奏入

上命軍機大臣傳諭福寧曰現在各股賊匪復又分
投逃竄太平雲陽等處糧石又有被搶之事不可

不慎重辦理福寧務須嚴飭各站員妥爲護解上
緊挽運俾得源源接濟無悞供支其路徑叢雜之
處亦當多方設法躡道運送勿使賊匪再有搶掠
至軍中一切度支其應用者固不可稍有靳惜但
不得仍前浪費必當加意撙節覈實支應也

十四日辛未恒瑞奏言查賊匪因官兵追趕緊急

分投晝夜狂奔雖未能痛加剿殺連日沿途逃

出被裹民人約有一千餘名均交該縣妥爲撫

卹安插臣於本月初二日行抵成縣之小川子

適廣厚吉蘭泰亦自秦州沿途剿捕前來白號

賊匪遂由譚家河竄出白馬關查該處係陝甘

四川三省交界之地臣前在徽縣已派總兵觀

祥分帶官兵趕赴畧陽一帶過其東趨褒沔臣

乘機趕緊追擊與觀祥兩面邀遮卽未能殲滅

淨盡亦可逼回川北惟藍號賊匪甚屬狡猾今
復由成縣竄赴西和漸入禮縣境內富成業經
帶兵追躡臣因其不能得力且恐賊匪復竄舊

路闕入寧遠通渭等處蘭州一帶又爲震動飛
催索費英阿帶兵由北路前來截堵並令廣厚
吉蘭泰卽由小川子赴禮縣一帶會同富成悉
力兜剿適松筠已自鳳縣趕到臣當將總督關

防送交並將賊匪情形及應行撫卹事宜告知
後卽日帶兵由白馬關追剿白號賊匪再臣前

據署涇州知州韓熊林稟稱新疆換班領隊大

臣伊江阿於前月十八日抵州因聞賊匪逼近

靈臺奏明親赴靈臺集勇防堵臣查張映祥等

股賊匪前竄秦州之馬跑泉一帶時經臣及廣

厚吉蘭泰各帶兵丁截擊悉數南竄平涇汧隴

一帶實無賊匪擾及緣社棠新庄居民一聞賊
至卽行逃避但見賊來不見賊去道路轉相傳
說各州縣又不確探虛實紛紛告急請兵以致
民情益加惶惑伊江阿所奏大抵得自風聞現
在布政使楊揆暫駐平涼彈壓日內民情尙已
安帖臣恐有無賴棍徒造作謠言嚇散居民乘
機搶掠亦未可定已札飭楊揆爲安頓奏入

上命軍機大臣傳諭恒瑞廣厚曰白號賊匪由譚家
河竄出白馬關恒瑞先派觀祥趕赴畧陽一帶截
擊卽親帶官兵由白馬關追剿兩面邀遮逼回川
北所見甚是且恒瑞於松筠到時一交督篆卽日
帶兵起程尙屬急公奮勉賊匪向在川北川東往
來焚掠惟川西地方賊蹤未到白馬關爲陝甘四
川三省交界之地若賊匪出關後向西南奔竄卽

可直趨白水壩一路該處係從未被賊之區素稱
富庶賊匪知川北一帶無可掠食必思往西滋擾
恒瑞當緊躡賊蹤奮勉追剿卽未能殲滅淨盡亦
須將賊逼回川北以便與川兵夾擊斷不可使完
善地方又被賊匪蹂躪也至藍號一股賊匪竄至
西和禮縣現經廣厚吉蘭泰追往且有索費英何
帶兵由北路前來務須合力兜剿毋任復行北竄

上又命軍機人臣傳諭伊江阿日前據伊江阿奏恐賊匪竄至靈臺卽在新集鎮地方安設卡房一節已准其暫留該處今據恒瑞奏張映祥等股賊匪經官兵截擊悉數南竄其平涇汧隴一帶實無賊匪逼近伊江阿本未經軍旅才具亦屬平庸自請暫在靈臺駐劄卽不能將防堵事宜悉心籌畫亦當處以鎮靜乃賊匪並未竄及輒以道路訛傳張

大其事紛紛調集鄉勇插旗放鎗轉致民心惶懼
擾累村莊若令其再留該處無益有損著伊江阿
接奉此旨卽日起身前赴塔爾巴哈台領隊新任
卽正在帶兵打仗亦不准暫留並不許再行具摺
懇請倘稍有逗遛卽當治以違旨之罪至索費英
阿帶領新調兵丁前來自當聽其會合恒瑞等剿
辦亦毋庸伊江阿置議也

同日倭什布奏言

臣

遵查原任汝寧營參將廣

福先經出師回部金川帶有六傷近年在楚省
剿賊出力奉

旨賞戴花翎以副將陞用

臣

前在豫省時該革員已

至楚省帶兵未與接見到楚後訪知該革員帶
兵打仗尙屬奮勇平日管教兵丁亦得軍心上
年冬間因景安在營訓飭該革員不服頂撞咆

此亦殊失屬員之體臣前因帶兵乏員竊以該

革員屢列行間打仗勇往尙爲軍營有用之材

至其性氣虛直加以呵責或不甘願受加以激

勵自當奮勉向前是以業經奏請

天恩釋其枷責卽令隨營戴罪自贖今奉

諭旨令臣將條奏內所指情節秉公詳查據實具奏

臣於從前在事員弁兵丁逐一隔別訪問查得

上年三月內教匪由巴東闖入楚境自南而北
擾至荆門州境內景安自豫省帶兵來楚三月
二十七日至荆門州白雲山地方將官兵於賊
匪北面分設三營每營約隔里許廣福在前敵
營盤帶兵二十八日賊勢向東焚擾廣福帶馬
兵一百五十名向白雲山東北一路迎剿遇賊
前隊廣福以賊數無多即可剿滅差求景安撥

兵五百名以爲接應其時景安差向白雲山東
南一路探賊之叅將董寧川朱廷荃等回營稟
報賊人後隊潛匿東南一路人數衆多景安恐
廣福在東北一路爲大山所隔未知賊匪虛實
冒昧輕進不能得手將廣福撤回原營當時廣
福不知東南後路情形以爲不得快意擊剿未
免心懷怏怏又是日夜間賊未遠退夜半營外

馬驚奔騰廣福在前敵營盤疑係賊匪乘夜潛
來施放鎗礮礮子飛及景安所駐中營次日景
安將廣福責備廣福不肯認罪景安因此亦有
介意遇事不假辭色至十一月內景安在竹谿
軍營因邊防緊要恐賊匪竄近廣福不聽約束
思欲惕之以威傳齊營將弁追論廣福在白
雲山夜半施放鎗礮之罪欲將劄頂摘去廣福

不服剖辯景安復欲將廣福捆責柳號廣福益
形咆哮經景安叅奏革職柳責至於防堵邊境
移營往來原所不免惟湖北房縣二竹二卽五
縣邊界綿長賊匪蹤跡無定各卡探報情形早
晚互異景安在楚時每接探報未免不察虛實
緩急率卽移兵致有行至中途復又折回及至
該處並無賊匪以是衆兵間有訾議其實叅革

廣福却非因廣福稟阻移營觸怒起見臣不敢
稍有隱飾奏入

上命軍機大臣傳諭倭什布曰前據倭什布奏廣福
平日帶兵勇往因令倭什布查明如前此景安奏
奏廣福實係屈抑卽將董寧川所出叅將一缺奏
令廣福補授今閱倭什布所奏情節廣福在前敵
營盤駐劄自應確探賊情持以鎮定乃一聞營外

馬奔疑爲賊匪於黑夜中輒放鎗礮以致礮子飛
及總督所駐之中營倘我兵或有誤中傷斃成何
事體實屬輕舉妄動惶惑軍心彼時若景安據實
叅奏廣福原有應得之罪乃景安因此介意遇事
不假詞色及至廣福見景安畏葸避賊屢次移營
心存輕視直言稟阻而景安始追論夜半施放鎗
礮之罪廣福剖辯不服輒以咆哮頂撞朦混叅奏

致衆兵訾議不公實屬景安之自貽伊戚然廣福
輕妄冒昧之咎亦所難辭著倭什布不必將廣福
奏補叅將留楚効力卽遵前旨送往勒保軍營令
其與景安當面質對可也

同日恒瑞松筠永保奏言

臣

等前奉

諭旨詳查富成剿賊以來曾否與賊接仗查富成自
入甘境剿賊已歷兩月今細加訪察並據各州

縣稟報富成於二月二十七日在白馬關之毛
壩山三月十二日在岷州屬之宕昌四月初六
日在禮縣之羅家堡等處共與賊匪接仗三次
皆係尾追每次所殺賊匪數十人不等並未能
迎頭繞截痛加殲戮總以兵勇疲乏爲詞師行
亦毫無紀律富成才識本短臣恒瑞承保素所
深知前在湖北時聽人調遣帶兵打仗尙能奮

勇立功此次獨當一面力微任重漫無調度且不能嚴明約束鼓勵將士遂至疲玩多不用命其所帶鄉勇有在途滋擾經百姓喊控者富成雖將鄉勇正法示懲究亦未能嚴肅是其貽誤之故實由無能所致原等查其所帶兵勇原有七千雖有病亡然其聲威不爲不壯且身爲將

軍受

恩深重自應奮勇剿賊如果限於才力亦應早爲陳
奏迺因循玩愒辜負

聖恩其罪實無可辭除一面傳

旨令其自行明白回奏相應據實叅奏請

旨將富成革職拏問應否解支經畧勒保抑或解京
訊辦恭候

諭旨遵行

松筠又奏言臣於五月初三日行抵成縣經恒

瑞送交陝甘總督關防臣當卽祇領任事臣於

途次接奉

諭旨令赴漢中督辦軍儲嚴查前此支發各項現已

飛飭軍需各局及經手州縣造具細冊呈核至

甘肅鞏昌秦階所屬被賊蹂躪之區臣就近面

交陞任鞏秦階道王錕督率各該地方官詳查

履勘宣布

皇仁早爲撫卹俾沾實惠所有恒瑞打仗數次凡由賊中投出難民並著查明妥爲安插不致失所其闖入甘省之白號賊匪現已由白馬關奔竄恒瑞已由小川子趕緊追剿其藍號賊匪西趨禮縣境內滋擾富成帶兵追躡廣厚吉蘭泰亦自小川子折回督兵合剿尙未得其打仗之信

適接奉

諭旨令臣前赴富成軍營傳

旨查審辦理當卽起程馳往奏入

上命軍機大臣傳諭松筠曰富成自剿辦賊匪以來
帶領兵勇甚多並不能直前奮剿卽據伊所奏節
次在階州鞏昌及兩當等處剿捕賊匪亦祇係落
後尾追雖較之坐擁重兵避賊不前及臨陣輒行

奔北者有間但其畏蕙無能因循貽悞之罪實不可追著松筠仍遵前旨卽行按律定擬具奏

十五日

壬

廣厚奏言

臣

欽奉

諭旨遵查富成從前來甘抄截川省竄匪本合機宜乃帶領兵勇七千不能緊躡賊蹤相機痛剿其在毛壩山梁宕昌羅家堡等處雖曾接仗斬獲均不過數十人

臣

隨時查察緣富成所帶兵丁

隨征日久稍形疲乏富成不善激勵均不能用
命至其所帶鄉勇俱係各省奏集之人打仗既
不得力性情又復桀驁沿途往往有滋擾之事
雖經富成節次懲治置之重典無如錮習已深
愍不畏法且數至二千一時無可歸著又恐別
生事端是以臣未敢遽行奏請裁撤茲蒙

垂問臣不敢絲毫迴護再臣回剿藍號賊匪途次吳

家坪據報該匪已由隆林橋北竄白家河因富

成自桃坪兜截復由隆林橋南竄雷家壩臣與

吉蘭泰卽行馳往趕辦奏入

上命軍機大臣傳諭廣厚曰廣厚覆奏富成剿辦賊
匪殺賊無多又不善激勵士卒兵勇均不用命所
奏皆係實情此事昨據松筠查奏情節相同已交
伊按律定擬矣至藍號賊匪屢經官兵截擊輾轉

奔逃且昨據恒瑞奏已催令索費英阿帶兵由北路前來堵截正可兩面夾擊廣厚吉蘭泰務須乘勢奮剿如能將張映祥擒滅固屬甚善卽不然速將此股賊匪逼剿出境卽係汝二人之功仍當遵照前旨不必越境遠追致使賊匪偵知或又乘間折回甘省疲我兵力但廣厚吉蘭泰於擊退賊匪後未可卽回省城尙應在邊界一帶扼要防堵以

期控禦得力甘境可永臻寧謐也

欽定剿平三省邪匪方略正編卷一百一十一 己未年

五月十八日

乙亥

永保馬慧裕奏言

臣

等前奉

諭旨飭將秦承恩供詞就近詢問王文雄柯藩台斐音令其詳核登答除合斐音業經自行具奏外茲

據王文雄咨稱上年二月二十日伊與秦承恩在商州得信知賊匪李全張添倫等股竄至郿縣盤屋鄠縣一帶王文雄卽同秦承恩帶領兵

勇趕往截剿二十五日趕至焦家鎮遇賊打仗
二十六日在圪子村打仗二十八日在南集賢
打仗二十九三十日趕往西安一帶抄截三十
日晚在省城南關外紮營王文雄同興肇柯藩
於五鼓時齊赴尹家衛大峪口一帶剿賊秦承
恩於初一日早進城安撫百姓並督辦兵丁乾
糧王文雄等馳抵尹家衛遇賊打仗賊匪潰奔

分爲兩股一沿向西奔竄翔峪山內一股向東
竄往庫峪山內王文雄督率兵勇跟蹤追剿竄
奔翔峪一股賊匪興肇柯藩帶兵追剿庫峪一
股賊匪秦承恩實係於初二日到營商酌搜捕
翔峪山內潰匪詳核秦承恩所供進城出城俱
係實在日期不敢扶同支飾又據柯藩咨稱二
月二十九日同興肇追賊至距鄆縣三十里之

勞峪口紮營適秦承恩在鄠縣差人來營約請
興肇柯藩卽日馳赴縣城公同商籌截剿三十
日早自縣起程是日傍晚至省城東關紮營秦
承恩王文雄在城南初一日黎明柯藩卽同興
肇王文雄分兵三路進剿在尹家衛與賊打仗
賊人翻山逃竄柯藩督兵追至庫峪口安營初
二日自庫峪口由秦嶺追剿秦承恩於初一初

一等日入城係柯藩起程以後之事並非同在
一路實無從知悉不敢稍有隱匿等語臣等謹
據實具

奏奏入報

聞

十九日

丙子

恒瑞奏言

臣

馳抵白馬關賊匪分股

向西南奔竄查係文縣與川西龍安接壤可出

潼川並達成都大路雖有白水江阻隔其淺灘

處所亦可涉渡

臣

兼程取道梅子園趕緊兜截

賊匪俱在郭家壩一帶會合屯聚當令副將德

忠徐登弼等帶兵一千名從杏紅溝前進

臣

帶

領副將凝德侍衛江鼎協領額爾起等帶兵一

千餘名翻山由花長溝間道前進並令隨營義

首稟貢生易萬里帶領鄉勇四百名繞至閘門

口山溝小路埋伏賊見官兵抄截折向西北奔
逃兩路官兵昌雨掩擊賊匪且戰且走追殺五
十餘里斃賊三百餘名擒獲四十七名賊匪被
剿情急俱向各山溝亂竄易萬里率領鄉勇在
關門口殺獲賊匪一百餘名投出被累難民一
百八十三名又於林內搜獲潛匿被累難民六
十一名均給與路票盤費各令回籍其乘間逃

散者亦復不少臣已札附近各州縣妥爲安撫

所有此次打仗傷亡弁兵鄉勇咨部照例議卹

至此股賊首雖據獲賊供稱係張金魁楊開甲

二人並非張映祥但賊人詭詐異常或係張映

祥改名張金魁亦未可定總之真賊必須剿淨

無論是何頭目臣惟有竭盡心力趕緊剿辦現

在廣厚吉蘭泰帶兵三千五百名在西和境內

剿辦藍號賊匪臣又飛催總兵索賈英阿帶兵

一千五百名由蘭州趕赴鞏昌一帶堵截並據

松筠札稱撒拉爾口兵一千名告請前來功剿

該回兵自思報効定能奮勇得力寧夏阿拉善

之兵皆可無庸調用臣遵奉

諭旨隨時酌量緩急盡心剿辦如必須再添兵力卽

將阿拉善之兵就近酌調

同日甘肅布政使楊揆奏言臣前抵涇州聞賊

匪竄擾秦隴邊界華亭靈臺等處需兵備禦隨

卽馳抵平涼因西北一面兵力空虛而各路軍

營相距較遠一時未能分撥惟查署督臣恒瑞

前調甘涼寧夏肅州官兵二千餘名係索費英

阿帶領擬將此項官兵移駐來路以資防守復

接各屬稟報前竄秦隴賊匪均從甘泉寺等處

向南奔逸並准蘭州道蔡廷衡咨會索費英阿
所帶官兵現奉勒保調赴鞏昌一帶會同吉蘭
泰廣學相機剿辦查華亭靈臺等處距賊旣遠
自無須重兵防堵但賊匪分合靡常數日之間
漸由兩當徽成復擾至西和禮縣經吉蘭泰廣
厚帶兵剿辦如賊匪一經敗竄不能折入階文
又恐西入漳岷延及鞏昌所屬

臣

思索賀英阿

所帶官兵內寧夏鎮兵五百名經廣厚調赴行
營其餘兵一千五百名自應遵照勒保派撥前
赴鞏昌一帶如果賊氛逼近不特可與廣厚等
兩面夾擊兼可免北竄近省之虞

臣

一面具報

恒瑞一面於初一日起程赴省途次靜寧正值

寧夏官兵由固原到來卽令取道安定進發及
至金縣適索費英阿帶兵趕到

臣

卽將賊匪現

蠶路逕面向告伊並將官兵沿途應支分例飭
屬預備齊全隨到隨付可期迅速臣卽於初六
日馳抵省城聞松筠已到成縣一路軍管嗣後
如有緊要事宜自當隨時稟商妥辦不敢稍有
貽誤其安定會寧一路前此驚避民人均已復
業閭閻極爲安貼均奏入

上命軍機大臣傳諭恒瑞日前慶成在京時曾面奏

賊匪若從兩當南竄卽係白水壩一路可由潼川
直達成都當經降旨諭知恒瑞設法扼其南竄之
路適日正深懸望茲恒瑞卽兼程取道梅子園趕
緊兜截復分派將弁義首繞道分路前進伊亦督
兵間道遄行殲擒冬賊使南竄匪衆折向西北奔
逃保障川西邊界未被賊擾實爲出力可嘉恒瑞
著交部議敘其在事出力之將領員弁並著查明

咨部甄敘以示獎勵至撒拉爾回兵前陸有仁來
京時洪曾面加詢問據奏從前調遣時該回兵不
甚應手殊難節制今既據回兵等自行呈請或係
意切急公或因捍衛桑梓自應允准所請未便阻
其踴躍從事之意惟是此項回兵既經隨營剿賊
如果有實在奮勇出力者皆當加倍獎賞卽奏請
給予翎頂亦無不可但恐其素性獷悍難保必無

滋事總在帶兵大員留心察奪施之以厚恩制之
以軍紀庶可鼓其奮勇之心而除其驕蹇之習著
恒瑞遵照辦理並札知松筠一體妥爲駕馭也又
楊揆奏由平涼赴蘭州省城照料官兵前赴鞏昌
堵禦情形鞏秦一帶賊匪現經各路官兵分投堵
剿尚屬易辦而蘭州省城止有蔡廷衡一員在彼
此時楊揆自應駐劄省城靜鎮彈壓所有甘省軍

需一切供支及善後事宜卽專交該藩司在省坐辦妥速經理不必以隨營剿賊見功也

二十日

丁丑

上諭內閣曰秦承恩身任陝西巡撫於賊匪往來興漢商州地方不能認真堵禦撫卹難民以致邪匪日久未經撲滅經軍機大臣會同刑部將秦承恩照玩悞軍機律擬斬監候固屬按律辦理但念秦

承恩本係書生未嫻軍旅若以未能堵剿竄匪定擬重辟則滿洲大臣中若惠齡景安宜綿又當如何且陝省之賊皆從川楚竄往並非起自陝境秦承恩之不善防堵較之惠齡任湖北巡撫時聶傑人卽在本境起事者尤屬有間今惠齡尚未加以嚴懲仍准在家守制若獨將秦承恩治罪轉似朕寬待滿洲而苛責漢人同罪異罰非所以示平允

前降旨將秦承恩革職鞫問查抄家產者因有人
叅奏秦承恩關閉城門安坐衙署不納難民以致
數萬百姓觸城投河而死若果屬實則秦承恩以
封疆大吏縱賊殃民罔卹人命審明後卽當立置
重典監候尚不足蔽辜嗣陸有仁到京會面加詢
問據稱實無其事並以秦承恩久任陝西於防堵
賊匪路徑尚爲熟悉彼時朕方以陸有仁一人之

言未可爲據及秦承恩解到後經軍機大臣會同刑部審訊秦承恩所供節次剿賊及三月初一日進城安撫難民初二日出城趕赴軍營並無關閉城門致難民觸城投河之事歷歷可証但係秦承恩一面之詞亦未可信因降旨詢問恒瑞永保王文雄柯藩台斐音今據伊等先後奏到衆口一詞與秦承恩所供月日俱屬符合是前此叅奏秦承

恩者所言不實未免過當而秦承恩之咎止於不能辦賊非獨伊一人爲然尚可量從末減秦承恩業經革職著加恩釋放令其回籍守制閉門思過俟服闋後由本籍督臣咨送吏部帶領引見候朕另行簡用所有查抄秦承恩房產田地卽行賞還

臣等謹案聖人不得已而用兵肅軍紀尤以

重民命秦承恩身任封圻當賊匪蹂躪之時

如果安坐衙署關閉城門致數萬難民觸城
投河而死則殃民之罪實不容誅是以

降旨逮問及經廣諮博詢質證明確復請

聖慈鑒其止於不能辦賊之咎

特頒諭旨將辦賊不力各督撫大員

權衡比較

加恩釋放仰見

皇上鑑空衡平罰必當罪準清酌理

至仁至明凡在臣工其孰不敬凜而感奮哉

二十四日

辛巳

富成奏言

臣

於西和一路追剿藍

號賊匪馳抵雷家壩地方探得賊匪思欲竄往

階州

臣

卽兼程馳追該匪等探知官兵逼近復

由柳壩東折米倉山奔向白馬關一路

臣

隨加

緊趨行初十日趕抵佛入崖賊匪又由佛入崖

竄赴黃家坪一帶查佛入崖至黃家坪本係小路該處居民恐賊匪竄擾早經挖斷道路該匪等砍伐樹木接搭度過後仍復拆毀並於該處設卡以截我兵去路

臣

思賊匪既經設防我兵

未便從此而進當卽尋問居民據稱並無別路可走

臣

當卽一面撥兵四百名飭令各執斧鋸

先行砍修道路一面派令叅將傅雲巴圖魯守

備馬昌傑等挑帶官兵一千五百名卽於是晚
三鼓山老林一路前進並派副將海常協領蘇
勒芳阿帶兵五百名由溝內前往牽綴賊勢黎
明時行近該處遙見賊匪紛紛相招似欲起行

臣

卽督兵從山上一擁直下賊匪猝不及防立
時慌亂當令我兵施放進步連環連斃騎馬賊
匪二名步賊數名賊匪情急竟敢率其醜類捨

死迎拒勢甚兇猛。親率遊擊王應鳳帶兵五百名繞至右手從旁抄擊鎗箭齊發賊匪始行敗退我兵一齊進殺復斃賊數十名賊匪多棄馬翻山四竄追殺十餘里至蒿坪地方該處俱係深林密箐道路狹窄未敢窮追卽在該處右面山梁暫紮計前後斃賊八十三名拏獲活賊雷元劉思忠等八名據供賊匪所經俱係老林

兩面懸岩中止一河約長一百四五十里臣思
賊匪既入老林道路狹窄現值陰雨連綿行走
必不能迅速當卽派兵三百名開挖道路隨修
隨進十三日巳刻追至大水溝正遇賊匪千餘
一見我兵公然前來抗拒臣卽督兵進攻並施
放鎗箭斃賊數名適後面官兵亦俱跟接前進
賊匪卽時敗逃我兵乘勢追殺二十餘里賊匪

捨命奔逃正在催兵趕追忽右手山溝竄出百

十餘人繞至我兵之後

臣

卽回兵督剿斃賊四

十餘名生擒賊匪六人當卽訊明立正典刑並

於老林內搜獲被裹民人均經釋放歸家計此

次殺賊共五十餘名生擒活賊十一名一面差

探賊匪由楊家坪竄至竇家壩一帶該處東通

畧陽東南可通陽平關東北卽係赴白馬關之

路該匪等奔竄無常恐其復由白馬關北竄當
經飛行署藩司廣厚等由白馬關一路馳赴天
池坪一帶堵截臣仍督兵馳追務期迅速掃除
斷不敢稍有疎懈奏入

上命軍機大臣傳諭松筠曰富成奏追剿藍號賊匪
情形所言全係支飾荒唐伊自帶兵剿辦張映祥
一股賊匪以來種種畏憚無能不可枚舉卽此次

摺內所稱賊匪由佛入崖翻越老林砍伐樹木接
搭度過後仍復拆毀富成以賊匪既經設防我兵
未便從此而進實屬荒謬之極賊匪既由此路奔
逃我兵正當緊躡追剿方可趕上乃因賊已設防
遂改道繞赴他處非畏賊退縮而何豈賊能越險
而官兵獨不能越險乎又據稱蒿坪地方俱係深
林密菁未敢窮追其避賊情狀宛然如繪不啻自

言其罪矣且我兵施放進步連環鎗驚騎馬賊二
名步賊數名鉛彈火藥如此浪費尤爲可笑而節
次與賊接仗亦不過殺賊數名與數十名不等是
富成坐擁多兵因循貽誤之罪實不可追著將原
摺發交松筠閱看卽按照指出之處一併向富成
嚴詰仍遵前旨卽行按律定擬具奏

二十六日

癸未

吳熊光奏言竊

臣

探得賊匪張漢

湖奔竄陝境忽分忽合明亮等大兵俱在西路
追剿賊由商州竄越一股向東北趨入雒南縣
境一股向東南趨入商南縣境

臣

查雒南與豫

省之盧氏接壤商南與豫省之浙川接壤邊境
綿亘四百餘里山徑紛歧必須分兵堵截一面
飛行知會防守北路之河北鎮臣張文奇督率
將弁實力防堵雒南一路之賊一面探得前竄

楚境賊匪業經折回西南距江面較遠卽令南陽鎮臣田永稠帶兵馳回荆子關防堵商南一路之賊臣在西坪兩路策應二十日據探商南

一股竄向青山寨一路而來距荆子關西坪俱不及百里田永稠卽帶領將備率兵八百名馳往黃土嶺迎擊臣料賊匪見此路有兵必又繞徑他竄復派叅將蔡鼎帶兵五百名於界牌嶺

設伏臣督率佐領瑚松額帶領滿營馬兵三百

名紮住交界處所以備策應抄截二十日賊匪

果從界牌漫山奔竄而來蔡鼎率領伏兵由山

坳突起出賊不意直前衝殺賊匪前隊紛紛奔

潰後隊之賊猶敢持矛抗拒官兵人人奮勇短

兵相接賊匪不能抵禦漫山散竄瑚松額分開

馬隊馳往兜抄鎗擊矢射追殺二十餘里餘匪

扒山越嶺仍向西北折回奔逸計殲斃賊匪二
百餘名又據張文奇札稱雒南一股賊匪由裕
家河東竄該鎮帶兵一千名馳往堵截適賊匪
正在芒嶺屯聚一見官兵始猶吶喊抵敵該鎮
率領將弁兵丁鎗箭齊發殲賊四五十名賊遂
率衆翻山狂奔直趨樂莊撲卡經該處守卡遊
擊李正品帶兵三百名據險截擊賊匪衝撲四

次該遊擊鼓勵官兵殺賊二百餘名賊退入焦
家河意欲由火燄溝竄入豫境李正品正在抄
截適張文奇帶兵趕到併力夾擊先後殲斃賊
匪四百餘名餘賊竄回陝境桃坪地方查兩路
賊匪約共三千餘人均經官兵截剿敗退幸未
闖入豫境但屢據賊供張漢潮蓄意竄回襄陽
本籍此時陝省官兵俱在西路是以直向東竄

又恐豫境防堵嚴緊只得分路衝撲牽制官兵
希冀乘虛竄過此時賊匪雖俱截回陝境然尚
在附近一帶游奕現在豫省防兵雖有四千餘
名而沿邊卡隘林立不得不分兵防守鎮將等
所帶戰兵未免稍單刻下荆子關距賊較遠田
永桐已帶兵趕至西坪臣惟有會同該鎮等察
看何處緊要卽赴何處堵剿聞明亮已帶兵追

剿前來正可三面兜擊此次打仗把總張金科
外委王士榮俱受鎗傷現飭加意醫治其餘兵
丁間有傷亡容俟查明咨部再臣接准直隸督
臣胡季堂信知奉

旨備派正定等營官兵共一千六百名赴陝協剿內
五百名由山西行走其一千一百名分爲三起
取道豫省前赴潼關臣業經飛飭藩臬兩司轉

飭彰德衛輝懷慶河南陝州等府州安設臺站
督率經由各屬將車輛船隻等項預備停安一
俟官兵抵境照例供支應付迅速前進並派委
道府大員分赴安陽入境首站及黃河渡口照
料護送出境不致稍有遲悞奏入

上命軍機大臣傳諭吳熊光明亮曰吳熊光截剿陝
境兩路賊匪不使竄入豫省所辦尚好惟摺內既

稱鎮將等所帶戰兵未免稍單而於直隸官兵過
豫祇將照料護送情形聲敘吳熊光之意自因前
此率請調兵曾經申飭故此次不敢將過境之兵
再行奏留朕披閱時已燭鑒隱衷矣軍務機宜緩
急輕重移步換形不可稍有拘執從前賊匪距豫
甚遠遠爾調兵防守是將有用之兵置之空閑之
地所奏自不可行今張漢湖分股東竄雖經官兵

截回尙在附近一帶游奕其意總欲假途回楚不

可不用重兵嚴防以堵爲剿且直隸兵丁原爲剿

張漢潮調往目下此股賊匪逼近豫境豈有移兵

繞賊而過之理吳熊光接奉此旨如賊匪尙未遠

去直隸之兵未出豫境卽酌量截留四五百名分

交張文奇田永桐帶領剿賊倘賊竄已遠官兵業

至潼關則不必復行調回徒在豫省駐守也至明

亮追剿張漢潮一股賊匪日久並無報到賊匪竄
近豫境明亮已躡蹤而來今豫省官兵業將賊匪
截回折竄明亮正可迎頭剿殺與豫省兩面夾擊
總以速擒張漢潮爲要不可不倍加奮勉也

同日

上命軍機大臣傳諭勒保曰朕聞川西川南地方有
嘉陵白水二江賊匪往來奔竄總在二江之東北

一帶未能越過會經屢次搶渡皆被鄉勇截回是
此二江實爲緊要渡口前據慶成面奏白水壩一
路卽指此而言昨恒瑞奏到兜截逸出白馬關賊
匪不令闖入川西亦在此路扼其南竄是以降旨
將恒瑞議敘看來賊匪在川東川北滋擾日久無
可擄掠因龍安潼川等處俱係殷富之區意欲渡
江窺伺該處僅有鄉勇並無官兵守備未免空虛

著勒保於調到黔興等兵後酌量派撥合安員帶
往嘉陵白水二江緊要渡口嚴密防堵斷不可令
完善之地又被蹂躪也再勒保自本月十二日奏
到後已及半月未見續有奏報前此聚集川東賊
匪經官兵剿散後又復四處奔逃曾經勒保飭令
帶兵各員分路追捕現在如何截剿而各股賊匪
又向何處奔竄勒保如何相機調度設法剿辦之

處著卽速行具奏至帶兵各員惟額勒登保剿賊
最爲奮勇出力曾兩次擒獲賊首而德楞泰自同
惠齡擊獲羅其清後總未見伊掃除一路賊匪擒
一著名首逆況伊所帶吉林索倫及綠營馬步弁
兵共有一萬二千一百餘員名兵厚餉多豈惟知
坐擁虛糜毫不出力耶並著勒保據實查明具奏

二十七日

甲申

吳熊光奏言

臣

前派都司蘇大雄

赴樂莊一路接應該都司於二十一日趕至里
漫坪之牌樓溝口探得賊匪一千數百人已由
陝境之富水關松樹溝一帶竄近里漫坪該都
司卽領兵五百名與賊接仗殲賊數十名生擒
李朝等七名賊匪四散由黃栢溝罐兒溝一帶
翻山奔竄卽查里漫坪黃栢溝等處俱係盧氏
邊境山徑叢雜之區並無要隘現在明亮等統

顧大兵業經追及河北鎮臣張文奇由北路桃

坪向南抄截臣會同南陽鎮臣田永桐趕緊帶

兵由南路西坪向北截擊恐賊匪偵知三路有

兵勢心直向東趨迤東係嵩縣魯山南召等縣

爲去冬賊匪竄走之路急須分兵兜截復派叅

將蔡鼎帶兵由內鄉星夜趕往東南以絕賊匪

東竄南陽襄陽之路卽從東面探蹤截擊臣帶

領滿兵三百名由西坪前進察探何路緊急卽
赴策應至臣未能先事周防致被賊蹤乘隙闖
入實屬調度無能不勝惶悚戰慄之至奏入

上命軍機大臣傳諭吳熊光曰張漢潮股匪自陝境
竄入盧氏邊境吳熊光以調度無能自稱惶悚戰
慄此時賊已闖入正當督率堵剿切不可過涉驚
惶轉致茫無所指且據摺內所稱是四面俱有官

兵圍擊正屬極好機會吳熊光惟當倍加奮勉併
力進擊不拘何路能將張漢潮擒獲卽屬吳熊光
之功張漢潮就獲卽於該處凌遲示衆俾匪黨咸
知儆畏毋庸解京或能臨陣殲除亦好又據奏稱
盧氏邊境係山徑叢雜之區其意自恐賊匪或致
乘間竄逸預佔地步吳熊光卽不能將張逆殲擒
若能將此股賊匪仍行逼回陝境亦尚可將功抵

過倘堵禦不力致令深入豫境擾及完善地方或由豫境竄回襄陽本籍復又蔓延則吳熊光既不
能防範於前又復疎縱於後自思能當此重戾否
耶

上又命軍機大臣傳諭明亮曰據吳熊光奏賊匪張
漢潮一股已闖入豫省盧氏邊境此股匪衆係明
亮專辦之賊乃曠日持久不但未能痛加剿殺且

任賊匪輾轉奔逃蹂躪陝省茲復由商雒一帶竄入豫境以致河南無賊之區復被滋擾明亮所辦何事著傳旨嚴行申飭現在明亮帶兵由西面緊躡賊蹤而東南北三面均有官兵圍擊正是大好機會明亮當倍加奮勉會合各路官兵協力擒渠以贖前愆倘仍尾追落後致賊匪深入豫境甚或任其竄回襄陽是賊匪既得遂其假途回楚之願

且所過地方肆其滋擾而沿途裹脅勢必入數愈
衆剿捕更爲費手明亮自問能當此重罪乎凜之
慎之